

ՏԵՂԻ Է ՈՒՆԵՑԵԼ ԱՄԵՐԻԿԱՑԻ ԳՈՐԾԸՆԿԵՐՆԵՐԻ ՀԵՏ ՀԱՄԱՏԵՂ ԾՐԱԳՐԻ ՊԱՇՏՈՆԱԿԱՆ ՓԱԿՈՒՄԸ

30.03.2018 17:21



2018 թվականի մարտի 30-ին Հայաստանի Հանրապետության փաստաբանների պալատում տեղի է ունեցել ԱՄՆ Վիսկոնսին նահանգի փաստաբանների միության աշխատանքային խմբի հետ համագործակցության ծրագրի պաշտոնական փակումը: 2017 թվականից Հայաստանում ԱՄՆ դեսպանության աջակցությամբ կազմակերպվել էր ՀՀ փաստաբանների պալատի, Հանրային պաշտպանի գրասենյակի և Փաստաբանական դպրոցի համար նախատեսված փորձի փոխանակման ծրագիր:

Շնորհակալություն հայտնելով գործընկերներին՝ Փաստաբանների պալատի նախագահ Արա Զոհրաբյանը կարևորել է նրանց հետ պարբերական հանդիպումների արդյունքում ձևավորված առաջարկությունները և դիտորդի աչքով վեր հանված խնդիրների բարձրաձայնումը: Պալատի նախագահը համագործակցությունն արդյունավետ է համարել՝ վկայակոչելով արդյունքում ստեղծված փոխվստահությունն ու առաջիկա անելիքները:

Հայ և ամերիկացի գործընկերները Պալատում պարբերաբ մասնակցել են սեմինարների, ինտերակտիվ և առաջավոր փորձի փոխանակմանն ուղղված մասնագիտական քննարկումների: Ծրագրային համատեղ առաջնահերթություններից են եղել ՀՊԳ ինստիտուցիոնալ և մասնագիտական կարողությունների գնահատումն ու զարգացմանն ուղղված քայլերը, փաստաբանների կարգապահական պատասխանատվությանն առնչվող հարցեր, ինչպես նաև փաստաբանական էթիկայի կանոնների լրամշակմանն ուղղված առաջարկների փաթեթի ձևավորումը:

Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })